

四庫全書

集部

欽定四庫全書

震澤集卷五

明 王鏊撰

詩

過故狀元施宗銘墳

後生何敢望餘芬
斗酒還過董相墳
行指岡巒低偃月

公葬偃月岡

坐疑文彩上成雲
兩山已雪將軍

恥郡誌舊傳
東西洞庭

皆將軍始居之
故兩山無文士

四海猶傳制策文
賈誼天年人莫恨
孔

光張禹亦徒云

山行三首

天平

濯纓重向白雲泉，曲磴幽林詰屈穿。
駁落殘碑猶可讀，坡陀巨石自堪眠。
俯臨塵世三千界，仰見龍門尺五天。
此地頻來殊有意，肯教憂樂負前賢。

靈巖玩月

浮雲過盡碧天高，把酒層峯氣倍豪。
明月一年當此夜，曠懷千古屬吾曹。
瓊樓玉宇身親到，香徑琴臺首獨搔。

天柱峯頭那似此淋漓醉墨浣宮袍

靈巖懷古

夫差霸業今何在香徑琴臺鹿自游天際青山還故國
夜深明月有荒丘濤聲不盡英雄恨草色猶含粉黛羞
莫為吳宮多悵望今來古往總悠悠

秉之作且適園有詩和之

萬頃烟波蒼玉峙畫船搖曳夜仍宜白公遊處吾今住
惜也坡翁不到斯

新築茆堂扁遠喧席門猶得枉高軒誰知君實匡時策
盡在東都五畝園

迴洲枉渚間沙汀正見東山一帶青鬱鬱松楸長在目
好於此地著幽亭

雨前山寺移新竹雨後新稍透屋長却憶燕南兩叢篠
便名醫俗可能當

越鳥巢林愛向南霜餘況有洞庭柑求田問舍君休笑
名利從來頗不貪

西舍東鄰送橘栽小園五畝手新開昔人獨樂吾同樂
兄弟招要日往回

新柳踈篁繞我廬門前清浸映芙蓉人間萬慮俱消盡
不盡除非是讀書

麥壠瓜畦桑棗墟晚菰早韭翦春餘人言市遠無兼味
城裏時新恐不如

村鼓冬冬喚買魚拌食雖有惜難儲何當也鑿方塘樣
取辦賓筵不願餘

曾聞范老堂前柏千載吳中澤尚存我種庭槐高百尺
三公當必付諸孫

修書館秋晚白蓮一朵忽開

埋盆若個便為池玉蕊亭亭有一枝不以格高知者少
幸因開晚謝還遲庭前曉日自相媚江上秋風空爾為
我欲舉杯同此賞天高露下月明時

吳文定公挽詞

四海文章伯三朝侍從臣世方遲至理天遽奪斯人沖

漠高難問煩冤臆少伸道從元末敝文向國初純東里
淵源近天全授受真正音驚驚驚恢網漏麒麟象蹟名
逾起先登氣益振聲華當翰苑德義重儒紳格律唯沖
澹言詞自雅馴時流皆自邳古制或先秦書法顏公逼
詩篇杜老鄰綸音騰渙汗碑板照嶙峋講向東朝切規
從後殿諄從容天仄聽仁義日前陳內外同瞻嶽賢愚
但飲醇汪洋從撓濁堅白謝緇磷自不驚榮辱何緣覩
喜噴吳山從此重燕谷鎮常春在古無蘇子於今有伯

淳間情多落寞要路每逡巡見說年頻引俄嗟歲在辰
九重恩絕等八座望殊倫尚未酬公議寧須秉國均公
身今可贖我分昔尤親先後官曹接卑高契誼勻上陵
行並馬待漏坐聯茵倡和辭盈帙招邀醉洽旬看花常
入夜玩月或侵晨送我清風隸期公震澤濱疏聞心獨
苦書至澤猶新豈謂終天別空含兩地辛玉亭盟已散
板屋迹俱塵盛德難為繪高風不可泯儒林誰作傳誰
刻壠頭珉

遊虎丘二首

年來偏仄緣何事咫尺谿山到未能郭外清遊還送客
林間軟語忽逢僧空庭石在頭寧點溪壑龍亡氣尙騰
不必懸厓留姓字古苔埋沒幾人曾

出城便愛小嵯峨濯足還來碧澗阿飛磴未躋先瘳瘵
斷碑欲認更摩挲溪山有待登臨久今古無窮感慨多
我比樂天官更適十年一到意如何

送唐子畏之九仙山祈夢

人生出處天難問聞有靈山試扣之三月裹糧真不易
一生如夢復何疑天台雁蕩歸時路秋月春風別後思
我亦有疑煩致問蒼生帖息定何時

歌風臺

鑿輿翠蓋始東巡隆準依然泗上身父老已非豐沛舊
塵埃誰識帝王真八千子弟空歌楚百二河山竟去秦
莫道四方須猛士商山閒殺采芝人

海塘謠

為充道父賦父為温州
嘗作塘捍海其民賴之

田於何所靳公之塘公今何在我田我耕昔公未來潮
嚙我堤浩浩洪流浸我稻畦公之來兮志何壯稽天之
浸身以障楫以木填以壤隱然長虹橫海上潮安流田
有秋溫人飽飯臥且收靳公靳公胡不留稽山摧潮水
歇靳公之名乃可滅

燕巢歎

為充道母
夫人賦

燕燕兮于飛深深兮重闌朝捲簾兮放燕出暮捲簾兮
待燕歸朝朝暮暮兮燕無我違胡然兮一旦燕驚飛而

不下悵巢是而人非萬里兮烏衣去此兮疇依豈無連
雲畫棟兮誠不忍其故棲松楸鬱鬱兮京口之壠逝將
銜泥兮相孝子而營塚

五月七日陪祀泰陵二首

星樓月殿夜沈沈燭影爐烟儼若臨北極紫微尊自在
西清黃繖夢難尋蒼梧天遠孤臣淚玉帛星馳萬國心
是日天下王
府俱來祭十九年中遊幸絕仰思王度式如金

萬方爭覩勵精辰便殿從容召對頻憑几似聞宣末命

屬車無復望清塵志存二帝三王上恨掩青山碧澗滑
天地有形誰盡得空然二紀厠朝紳

入閣次仲山見寄之韻

雲牕霧閣隱樓臺夢裏依稀似到來異數極知蒙帝力
凡軀深訝住天台承明召數晨先入閭闔歸遲晚特開
正是商家調變地鹽梅獨媿傳巖材

恩賜玉帶麒麟服

寶月團團甫琢成老臣何德比瓊英蟠驚夜室流虹影

行眩天街積雪明
芍藥獻圍曾有兆
薰葭倚坐若為榮
皇恩錫處如山重
肯換秦家十五城

錦袍錯落繡輪困
天上恩光借近臣
一角獲憐西時陋
九章製愛尚方新
文明有象昭皇化
報稱無能媿病身
拜賜歸來人盡羨
好將勲業畫麒麟

十一月廿七日被詔有事景陵歸途作

嚴程西指日邊霞
平野蒼茫集晚鴉
湖色破寒猶慘澹
山容得雪若矜誇
誰當游衍還承詔
可惜風光不近家

坐吸玉泉懷六一漫將名器許浮槎

玉泉亭

燕山自西來連峰劃中絕有泉出其間終古流不歇石
縫漱潺湲螭頭瀉幽咽羅注梁成簾激射噴為雪怒聲
亦砰鉤靜性終昭晰肺腸藉洗滌毛髮歸瑩澈珠體碎
復圓玉流方以折緬懷六龍來坐覺萬象別天光借澄
明日影增蕩潏幡幢亂山椒蹊跡遍林樾誰知百年後
尚睹孤亭艤悠悠彼漁竿盈盈者仙襪不忍向唾夷胡

能斯厲揭虎跑真浪傳
趺突差可吸醉破劉伶醒病失
相如渴衡公逋莫通陸子評
久缺何當攜一壺歸洗人
間熱

己巳正月十三日夜分獻星辰二壇作

鐘聲忽斷燎烟升
玉履西來甲士層
驀地靈風生綵旆
滿天涼月浸華燈
夜闌仙樂聞三奏
老去崇階試再登
願得繁禧均海寓
老臣何以助靈承

十四日慶成宴上作

列席分依黼座前坐中幾度聽傳宣花枝半妥杯巡洽
雉羽低迴舞隊旋總為台司當近地每疑廣樂奏鈞天
好風晴日新正後盛事誰書己巳年

次謝少傅韻

七里灘頭把釣綸匡時誰是舊元臣廟廊正爾懷多故
世事那堪又一新國手就閒仍此際拙工當局更何人
片帆出沒烟波裏回羨仙舟早渡津

春波書屋為屠司寇賦

平湖渺渺春波綠榆柳低垂洲渚曲洲旁茅屋是誰家
言是屠公舊書屋屠公致身廊廟裏猶有讀書心未已
牙籤縹軸置兩頭充棟多還比鄴侯湖水平春日晴船
頭置書蓬底讀一和滄浪曲

題畫牛

牛背蒲韉穩若舟吾伊聲裏觸前騶當時項羽成何事

能使郎君讀未休

李密

背臥斜陽亂短芻箭鋒猶帶血模糊家人不用驚相報

且讀牀頭一卷書

牛弘

問喘軒車駐道周不因羣鬪少遲留若言變理成虛語

試問齊王穀觭牛

丙吉

輒牛解去旋來歸慙負當軒罪莫違楚國有弓誰得失

驪黃寧辨是耶非

劉寬

題五同會詩後

閒情未逐雲歸岫佳會初逢日在奎但許蕪謨居席末
還如無已在江西鄉邦自昔誰同會人事從來苦不齊

南北故交風雨散我來詩句若為題

宣廟畫猫歌

禁柳踈踈還密密狸奴穩臥堦前日日長睡起鳴一聲
掉尾欲行還不行先皇為愛馴且異呼之即來麾即逝
偶然點綴為寫生氍毹毛衣獅子形絳羅垂垂鈴索索
目光眈眈透簾箔縱然未解起捕鼠鼠輩見之應膽落
已巳五月東歸三首

莫把功名更問天一朝闕下賦歸田迂踈自缺匡時策

良病多蒙主上憐便製荷衣隨野叟永將雲路讓時賢
太湖波浪如天濶不碍鷗夷一釣船

家住東山歸去來十年波浪與塵埃頭顱今日已如許
勲業古人安在哉滄海巨帆晴望濟長途疲馬早思回
閒非閒是俱拋却濯足滄浪坐釣臺

浮世紛紛總未真古今誰者是閒人黃扉紫閣辭三事
白石清泉作四鄰得失往時俱屬夢是非從此不關身
致君堯舜臯夔在且許巢由作外臣



贈巡河王郎中

溱

五月青齊燠若焦，全憑風力送歸橈。
十年省署官曹舊，千里河山節制遙。
顧我病宜還綠野，似君才合佐清朝。
九重旦夕如徵召，乞取商霖灑四郊。

時山東旱甚

得雨贈王郎中

天末炎雲涌怒濤，夜牕欹枕聽蕭騷。
懽騰兩岸聞邪許，潤洽平原臥桔槔。
酷烈頓祛苛吏勢，推移真費長年勞。
陽春有脚隨車到，餘惠深慙過客叨。

至徐州口占四絕

日日拖舟茫蒼間
荒郊四顧但榛菅
朝來雨歇蓬牕外
正見徐州一帶山

人說茲行恰似遊
棹歌聲裏下徐州
朝來獨坐蓬牕底
兩岸青山送去舟

五月舟行齊魯間
黃塵能富水能慳
朝行汴泗交流處
巨浸家家過屋山

放歌曾是昔年遊
濯足看山坐浪頭
今日重來人不見

滿天風雨過徐州

偶成

懶雲無意復為霖
早向中天結冥陰
去晝尚餘三宿戀
濟時真負百年心
孫登不作蘇門嘯
諸葛聊為梁甫吟
若問先生何處住
湖光渺渺樹深深

次韻秉之

三十休誇陸氏莊
菜園滋味晚尤長
致君素許孤忠赤
涉世空餘兩鬢蒼
懶性尚於登覽健
晏眠無復趁朝忙

焚香日日觀心坐便是人間不老方

晚渡白洋灣

扁舟深夜尚孤征兀坐蓬牕看月明兩岸秋蟲互相應
不知端復為誰鳴

宿堯峯寺

堯峯自在諸天上半醉來登不用扶思入湖天同浩蕩
望窮雲樹轉模糊五更客夢侵雲冷一片禪心對月孤
自是世緣猶未了幾時同此結跏趺

行次相城有感

幾年約茲遊為訪石田叟石田今已亡不使此言負相
知三四人挈舟過湖口行行抵相城自卯將及酉四顧
何茫然天水合為藪茆屋幾人家荒蒲與衰柳本來魚
鼈宮自合鷗鷺有始田者為誰餒也非自取有司事征
求亡者逾八九念此為徬徨獨立延佇久作詩當風謠
以告民父母

宿華嚴寺

歸來每向招提宿心若閒雲著處安已到家山無去住
偶聞塵世有悲懽烟霞自可通禪觀草木還應識宰官
少小來遊今白髮幾迴欲去更槃桓

贈勤上人

兜率宮中一老禪霜眉過眼耳垂肩手開生地為精舍
口誦華嚴作涌泉峭壁危峯同戒行長松古檜是因緣
雖然看盡人間世還住人間一百年

次韻蔡九達投贈

埜色巖霏上翠裾，皇恩猶賁及郊墟。
舊嫌樊子學為圃，近識莊生樂在魚。
稍向林間營別墅，每從竹外度輕車。
日長庭院閒無事，抄得東家種樹書。

再遊林屋洞

蓬山有路那能到，林屋無扃可數來。
寶笈石函難復見，金庭玉柱為誰開。
祇愁黯黯渾無地，又恐砰訇忽有雷。
不是隔凡凡自隔，重門欲叩更徘徊。

宿法華寺

法華我曾來懸厓縱飛步長松高攬天修竹亂無數北
園瞰空濶風帆在其下陰橫紿千山歷歷皆可覩蓬萊
亦咫尺神仙在何處安得乘長風飄然從此渡

坐法華寺後石上望橫山人家歷歷可數寄王

元德

午烟孤起碧山崖屋瓦參差影日斜只隔盈盈衣帶水
不知何處是君家

訪元德

樓臺疊疊路重重家住橫山第幾峯
半壑夕陽垂橘柚五湖烟水浸芙蓉
神仙未覺三山遠榮貴甘辭萬戶封
返棹匆匆重回首白雲天際杳難從

寄隱者

隱君家居何所有繞屋二百青琅玕
香烟一炷坐清曉讀罷黃庭抵內觀

越來溪懷古

吳國江山亦壯哉一朝誰信越兵來
旌旗尚動春波影

歌舞翻成子夜哀往事悠悠餘敗壘傷心脉脉一登臺
姑蘇麋鹿何須恨聞道阿房也劫灰

宿盧氏芝秀堂留別師邵師陳二首

越來溪上思悠悠斜日門前一繫舟水若有情隨我去
山雖無語為君留梅花紅褪牆頭雪麥葉青回壠上秋
一曲滄浪人去遠平湖萬頃接天流

清溪一曲浸山根溪上人家兩兩分又要正逢徐孺子

同聲兼枉沈休文

時徐都憲沈方伯在坐

興非剡上嗟空返談比

廬山得未聞醉卧不知乘夜發畫船搖破一川雲

過黃陂沈氏阻風望洞庭甚近而不能至

茆堂宛在碧山腰山下行人不受招梁作虹蜺應可渡
水如衣帶却成遙清風入夜生蘋末細雨扶春上柳條
不是休文能醉我平生磊塊仗誰澆

酒熟志喜

常年送酒媿諸鄰斗覺今年富十分水法特教擔柳毅

特汲柳毅井泉

麴材先已謝桐君

麴不用藥

牀頭夜滴晴階雨甕面

香浮暖閣雲莫笑陶公巾自漉年來正策醉鄉勳

荆溪雜興

惠山至永定

解纜惠山下問道荆溪程荆溪百里遙蘭槳蕩空明沿
湖好青山宛轉送我行惠山甫見辭陽山復來迎東西
夾畫船依依亦多情忽然互迴合隱若百雉城西南豁
中斷太湖渺然平范蠡辭越相此口云所經懷賢不可
見臨流濯長纓

畫船簫鼓蕩春晴一路青山送我行
分付舟人行莫急看山猶自未分明

沈亞卿時暘約遊張公洞途中風雨大作舟
人云不如先往善權為便口占一詩贈亞卿
孤村徹夜雨浪浪思入荆溪轉渺茫湖汊無緣仍返棹
善權有路且鳴榔特因赴約反成爽豈謂尋閒竟得忙
寄語休文莫相訝好風晴日會須償

卷盡溪

兩岸青山隨畫船
清溪十里中
洄沿侍郎橋畔柳
窳地任昉臺邊花滿川
南國勝境有如此
東坡卜居豈徒然
誰云晷盡盡不得
恐有仙源莫浪傳

張公洞

萬山環合中獨虛
世傳內有神明墟
側身俯視驚怪吁
老眼不辨雲糝巉
巖漸下勢漸舒
石壇坡陀席可鋪
恍如身入佛老廬
四壁洶涌青紅殊
天吳紫鳳坼海圖
龜鼈暘睽虎豹狙
呆愚梁柱相拄扶
靈官岌業高冠裾

神媼相將行步徐七寶炫耀穹浮屠石牀橫陳丹竈孤
玄門有路忽若無蘚磴登降我僕痛通明有穴尋歸途
不知造化開闢初誰此鐫刻誰剗剗頗聞孫氏紀赤烏
霹靂下劈山之隅人間始得窺仙都又聞有路通太湖
金庭玉柱嚴禹書自慙骨凡氣濯痛欲往不得將何如
欲往不得將何如

善權洞

湖汶有洞名張公天造偉麗非人功善權氣勢更若雄

奔流下瞰如驚虹洞門有地平且豐孤石湧起何巖崕
高厓絕壁青復紅恍如身入天帝宮幡幢寶蓋陳西東
虺隤巨象披蒙茸狡狴張吻吞豹熊亭亭玉柱立當中
銀山對峙如屏風鹽堆突兀米廩崇岵岵畝水所鍾
石梁交貫空復空人言此去路莫窮東至扶桑西崆峒
我疑二洞俱仙蹤地下有路應潛通前堂後宇相始終
不然氣象胡乃同靈山福地神所封嗟我欲往將焉從
嗟我欲往將焉從

善權寺

茲山信有神靈護棟宇傳聞自太和雷篆天書猶可辨
星壇月館迺相過顛崖檜偃蒼龍蛻壞藏經翻白馬馱
應笑重來王相國不將玉帶繫山阿

和錢元抑投贈

虞人雅自重齊旌小奏由來止一成蕙帳久孤黃鶴怨
蓼灘先赴白鷗盟春山乞竹眠思蔭曉井擔泉吸愛清
舊日著書今亦嬾且從靜處看浮生

貞甫大參立二石於庭邀予賦之

垂雲

有峯巍然岵嶸連蜷蒼翠著人靄如縣雲始孰為之殆
二氣之絪縕絪縕來兮知幾年至今瑞氣仍油然霧非
霧烟非烟莫教一日忽飛去散在人間作霖雨

漏雪

有巍一峯屹崒嵌空晶光眩日瑩若立雪始孰為之殆
元氣之融結融結來兮知幾時至今雪色猶襦袂爍不

化涅不緇莫教一日俄騰騫散在人間作有年

謝人送楊梅

高林乍摘楊家果風葉脩脩玉露寒染指忽驚猩血紫
釘筵爭愛鶴頭丹誰將物產修為譜多謝山翁餽滿盤
却憶退朝門下賜美芹思獻自知難

苦雨二首

庚午
歲

南方春夏交正是挿秧候望望惜雨乾事乃胡大繆霖
霖已彌旬雨意猶未透山頭爭出雲不斷如饋餽滑滑

深路泥幢幢瀉檐溜只愁地將浮又恐天果漏乖氣亂
暄寒重陰錯昏晝竈硎產鮒魚庭樹號飢鼯梁柱亦何
為尚可充燎爇嗟嗟彼蒼生其命固難救洪範學不傳
將誰執其咎

吾聞老子言驟雨不終日天道信有常如何亦難必方
春常苦雨入夏勢轉疾滂沱每徹晨滴瀝又連夕幸爾
暫開明俄然復奔軼田疇浩湯湯浸與太湖一吁嗟生
民居化作鼃鼃窟旦夕不自謀卒歲豈遑恤歲行況在

午史記歲在午當旱月宿乃離畢挽日當誰能補天恨無術安

得萬里風吹使雨脚絕青天淨無雲紅輪皎然出

病中五適

蒲墩

織蒲織溫柔朝夕置左右坐以支吾顧眠以閣吾肘墩
今乃屬予臨川爾何有

竹夫人

湘筠翦瓏璵橫陳在君牀雖然缺嫵媚亦可藉清涼病

餘偶此適非敢效專房

曲几

久眠即不能久坐仍未得半眠半坐間唯爾我為適寄
語柳儀曹何傷此為直

絺幘

朝蠅不勝祛暮蚊不勝拍仗爾為驅除安然睡通昔寄
謝石季倫錦步復何益

布被

青綾非所便，蘆花亦已寒。
木棉足輕柔，病寢夢自安。
幸非公孫氏客，至當何言。

王應爵侍御過訪將發阻風復留

落霞湖上晚山稠，迂叟經年守一丘。
驄馬忽傳今雨至，蘭橈多謝好風留。
病從此日如輕健，詩續前題更唱酬。
早晚豸冠霄漢立，林間誰與共清遊。

過子畏別業

十月心齋戒未開，偷閒先訪戴逵來。
清溪詰曲頻迴棹，

矮屋虛明淺送杯
生計城東三畝菜
吟懷牆角一株梅
棟梁榱桷俱收盡
此地何緣有佚材

王唯顥款鶴軒

小築園亭淺布沙
十年為爾養丹砂
飛鳴飲啄皆隨意
莫羨乘軒富貴家

鶴鶴來前聽我言
知君六翮快騰翻
雲霄縱得天風便
惠養能忘舊主恩

次韻賀憲副澤民會老詩

洛社耆英赴夙期乞身俱及聖明時經霜松栢姿彌勁
爭道驂騑力已疲幸許兼謨為後輩不妨蓋叟是吾師
年年共約林間醉世上升沉總不知

盛汝弼得孫

在洞庭東
山聞報

老蚌生珠亦未遲庭槐又報長孫枝平生陰德人傳滿
少小啼聲我識奇文肅尚應留祭餗箕裘況復自軒岐
他年元歎成名日還報東山老傳知

春日山行三首

風軟波平一鑑開
湖山重疊見樓臺
萬株晴雪懸厓裏
只為梅花也合來

勝事春來日日忙
梅花纔褪杏花香
莫愁此後芳菲少
又報東風到海棠

竹杖芒屨觸處輕
煖風遲日近清明
天公似識遊人意
特借春來幾日晴

謝賀憲副澤民示攝生書

一編授我未為遲
火候抽添信有時
爐內若能留戊己

市中端可遇安期本來面目吾忘我過去光陰彼是誰
歌罷青天雲萬里還丹應有月明知

過范氏近竹園

昔聞臨頓里近在古城東甫里先生宅龍圖老子宮幽
亭花外遠曲徑柳邊通五月無煩暑琅玕滿院風

送李給事貫使占城

海外誰云更九州明時還比古諸侯麒麟賜錦王人出
孔翠包茆職貢脩鼉鼓八更驚永夜鯨波萬頃變安流

舉頭南斗分明近奇絕平生是此遊

故吳參政惠使占城詩云夜聞銅鼓

八更天

恭題宣廟畫馬

天馬西來自月氏先皇親寫乘黃姿百年遺墨人間見
玉陞東頭立仗時

鼠須筆

顧兔猩猩兩禿翁時來鼠輩亦成功臨池脫穎偏宜我
憑社為妖且貫戎覓伴好依居默氏

石虛中字居默

冊勲應作

管城公太倉縱是無憂地爭似流芳汗簡中

送尤宗陽進士之京

南宮昔日謬持衡叶筆勢曾驚古戰場今日林間還送別九霄一鶚看高翔

吳中世德紀延之喜見春風入穀時莫怪崔公多自詫美莊三百在于斯

贈石湖盧隱君伯常

吳山青越溪碧吳越興亡兩安適十年事往那復知溪

上人家自如織人家兩岸青粉牆其間特起是為盧家
芝秀之高堂昔年芝秀產溪上顧非盧家此瑞誰能當
盧家有翁不求仕年可六十鬚眉蒼朝繡經暮翻史不
使聲華出閭里生兒唯願充耘耔自比唐家玉川子人
言筆港如筆長二兒自小工文章大兒文采珊瑚耀泥
金帖子前宵到小兒筆勢仍翩翩他日科名美豈專從
此溪山兩增重乃翁無事日讀逍遙篇溪可湘山可採
千古溪山鎮長在願翁之壽如溪山長不改

飲橫山吳氏醒酣亭

孤雲落日魚龍界橫山又在孤雲外一朝坐我橫山中
回顧反覺人寰隘就中最愛吳家亭浪花堆裏一點青
千山在南紹山北亭山正直中間停天風飄飄吹我袂
自覺蓬瀛不難至安得劉伶李白共此舉瑤觴百川吸
盡無由醉

自橫山歸洞庭

漠漠輕風不滿帆小船載酒舳舻銜陶朱事業今安在

皮陸才情兩不凡
白鳥斜飛驚鼓吹
青山倒影動松杉
却憐范老江湖上
猶自憂譏與畏讒

贈寫真

玉帶束麟袍
簪笏光射映
我服豈不華
我德自難稱
委蛇廊廟姿
蕭散泉石性
爾筆信有神
貌此韻獨勝
種髮歲華催
泰宇天光定
應如巖壑間
蒼松老彌勁

偶成

南國新寒九月時
青綾半臂向晨披
月明桂子香初噴

露重芭蕉葉未知拄杖隨行聊當僕殘編重展恍逢師
清時自昔多遺士坐背斜陽理髻絲

洞庭新建廳事柱下獲一甕中有錢曰太平喜
而口占

一錢清白承先哲八柱高明應宰司天賜不多良自賀
國家重建太平基


重到宜興

三日蘭舟只任風洮湖過盡隔湖逢谿山處處還依舊

却是人心自不同

宿毗陵驛

扁舟夜宿毗陵驛
城上烏樓霜月白
客懷轉展自無眠
何處人家復吹笛



欽定四庫全書

震澤集
卷五

三

震澤集卷五

欽定四庫全書

集部
震澤集卷六
七

詳校官中書_臣瞿 照

中書_臣劉源溥覆勘

總校官進士_臣朱 鈐

校對官學正_臣常 循

謄錄監生_臣許 烺

欽定四庫全書

震澤集卷六

明 王鏊 撰

詩

次韻林都憲待用蜀中行師二首

草檄軍前立馬鞍，寄當分閫肯辭難。
城高白帝休番戍，路繞烏蠻費折盤。
妖祲潛消邊日煖，陣雲低壓瘴江寒。
何當奏凱歸朝署，還整當年舊豸冠。

單騎曾先萬馬羣，綠林諸盜伏斜曛。
要令孟獲懷諸葛，

又見曹軍怯趙雲千里仁風行若偃三年炎毒坐如焚
平生丰采傾朝野蠢爾羌夷豈不聞

飲陳以嚴領孫堂

雲母屏深燭影斜德星還聚太丘家庭前玉樹森林立
池上超宗敢漫誇

夜過西虹橋

破楚橋邊步偶停夜船燈火散如星館娃歌舞今何處
留得吳歌與客聽

賀師邵初授御史次師陳韻

越溪芝秀麗春晴瑞應人傳芳府名一日文章驚豹變
百年風節愛冰清大廷糾劾當宸立秘殿傳宣傍輦行
聞說馬周工獻替九重還補舜聰明

題舊寫真

莫言故我非今我只恐前身異後身自是壺丘生不定
丹青雖妙若為真

贈僧還杭州

徧游鴈蕩與天台少室靈巖到五臺自是此身無係著
信於何處見如來高閒作字元非幻靈徹題詩漫倚才
慙媿韓公長擾擾窮年學道只空迴

訪徐季止於瓜涇

太湖東轉碧溪斜來訪南州孺子家舊學不嫌樊氏稼
閒情兼種邵平瓜畫船載酒人如玉醉筆題詩墨似鴉
好約年年為此會前村蹋雪看梅花

襟帶江湖樓為仲山都憲作

三江東去五湖西特起高樓枕碧溪
桐里波光天外小
洞庭山色雨中迷人懷范蠡舟難及地壓滕王閣盡低
猶有仲淹憂不忘倚闌無語到烏棲

題秉之塘橋新樓

惠連特地起高樓准擬常時上相游
林屋兩峰從海湧
太湖萬頃接天流日陳六藝兼諸史勢壓三山與十洲
無限風光無限思賦才須是仲宣優

登陽山大石

陽山從西來勇氣正咆勃
聯峰劃中斷散作石突兀
不知開闢初誰剗造化窟
偶來陟其椒未步先欲蹶
儼如大廷朝冠冕森萬笏
又如羽林軍戈劍羅勁卒
扶開混沌竅截斷防風骨
豁舒唇吻張璀璨鼻眼突
嘗疑地生痛又恐天墜
亭嵌巖亦通透軒敞且
肯綮梯空路不窮補缺
屋將杙沮如滴玲瓏豐茸
眠猛狍縫生蘚駁斑鏤
卧松彊屈手摩畏猙獰
足履愁艱晚靈湫瞰潜虬
危巢俯棲鵲佳處誠悠悠
怪事良咄咄鍊疑媧皇遺
墮恐共

工揆神禹鑿難平夸娥推欲沒太湖梧汀滢絕頂箭恍
惚作詩繼前游歸興殊忽忽

游天池和仲山韻

小輿詰屈穿雲岑受此寵從萬石林迴溪倒挂松樹老
絕嶂半染蓮花深尋幽偶值此日暇訪古正愜平生心
天池小立戒歸去夜來風雨聞龍吟

徵明飲怡老園有詩次其韻

吳王銷夏有殘闥特起幽亭據要津剩水繞時傷往事

短牆缺處見行人綠楊動影魚吹日紅藥留香蝶護春
為問午橋閒相國自非劉白更誰親

偶成三首

墟落斜陽欲暮時烏紗醉岸髮如絲山東未報收羣盜
為問來鴻知不知

漠漠斜暉轉樹腰花前柳下步逍遙忽思右掖門前侶
隱几無言候早朝

習習東風皺水紋花前柳下步逡巡忽思左順門前侶

屈首無言向內人

登龍門次師陳韻

飛步凌虛碧嶂腰雙扶
鼎屨逼層霄嵌中祗恐蜿蜒蟄
缺處猶存霹靂焦擘訝巨靈雄氣力峙瞻元禮峻風標
知君頭角嶄然久只候秋風八月潮

靈巖山

天末遙瞻塔影層今朝携酒試同登
吳中信是佳山水人世依然感廢興
草滿琴臺微有字鳥啼禪院寂無僧

懸崖斧鑿紛如雪何處題詩記我曾

栲栳墩

栲栳墩前酒一桮良辰勝友好徘徊綠迴埜色曄曄繞
翠罨湖光面面開墩姓祇今應我屬風光自昔有誰來
懸崖擬欲題名字千古行人首重回

游湖

游徧南湖又北湖畫船隨處宿菰蒲青深著雨山如染
綠淨無風水似鋪玉帶鱗衣爭快靚鳳笙龍管醉相扶

輕橈又轉東湖去何似當年范蠡圖

韓文公藍關圖

為陳以
巖賦

韓公不信佛肯信世有仙牡丹花上誰所賦一朝雪擁
藍田關阿湘幻化有如此神仙灼灼在眼前使公一語
稍低屈携手同行良非難胡為騎馬浪自苦祇令收骨
江之邊乃知此公胸中屹崱有壯氣抵死不肯從湘言
當時果州有謝女白晝居室生雲烟須臾上升衆所見
公謂魑魅物怪其逢旃後來儒者頗好異遂令末世坎

離龍虎紛紛傳乃知韓公不可及泰山北斗不獨文章然

送吳縣簿董仁之任鄞丞

自頃權奸偷國柄一時在位貪相競剥民膏血輸權門
廉恥掃地寧復存誰知小官之中乃有吳縣簿守法廉
平獨如故三年佐縣民受深視金如土民如金每言吳
人窮到骨吾此朘削吾何心吳縣簿真難得我欲言之
顧非職一朝擢官向寧波於乎奈此吳民何

予伏林下覩閭閻之疾苦憫征求之繁多傷循吏之難值也每以為歎癸酉六月客有過予談海虞胡令之政者為賦詩

有客談胡尹炎歆座上清吳儂偏感德漢吏不求名正自催科拙無如折獄平懷哉不可借送子若為情

留別王濬之和文定公韻

小隱何年荻扁來陽城湖畔草堂開團蒲曲几凝香寢
町疇芳畦瘿石臺雪滿山陰王子至日斜淙上醉翁迴

銅瓶早漏春消息欲取寒香入酒柸

鄒道士聽雨堂

虛白堂深夜寂寥初聞淅淅轉瀟瀟
先聲似到梧桐葉餘潤旋添杜若苗
信有雷霆驅律令不須蜥蜴助喧呶
東先生去無人會空使巫尪得爛焦

贈仲山

東風漠漠動江蘼夾浦橋邊二月時
花外小車來每早竹西高閣臥偏遲
山橫爽氣閒支笏座按新腔自補詞

聞有還丹須乞與市中誰者是安期

癸酉春雪

南國春寒著敝裘
夜牕微霰聽颼颼
夢迴虛室驚先曉
瑞應新年望有秋
老樹滿庭森檠戟
小溪當戶擁貔貅
一朝頓咤貧家富
捧玉擔銀入茗甌

王應爵侍御家園八景

愛山樓

懷親也

凭闌看青山欲去仍戀戀
青山恒在茲而人不可見

靜觀軒

夫物各芸芸過眼摠超忽靜中何所觀靜觀本無物

栖霞亭

嵌巖何所有終年此棲遲世事正紛紛問渠渠不知

友石亭

巖巖太湖石與結終身契勿學市道交風波起平地

水月軒

明月墮流水流光終不定寒潭徹底清乃見本來性

慕濂亭

花中有君子濂翁後誰愛勿與流俗言牡丹時所貴

後樂亭

鳥鳴岬柳垂魚跳渚花落曳履涉芳園吾亦樂吾樂

味菜園

抱甕灌荒畦採掇恒在手何相莫予欺予媿動三九

與嚴太守道卿同登莫釐峰

微雨發春妍東風花外軟良朋約佳遊遙指莫釐巔平

生山水心老脚肯辭
蘭壺觴紛提携曲磴屢迴轉
小憩山之腰
秘境漸披藏
紫翠蓋幢翻
青黃繡裯展
須臾造其顛
四顧目盡眩
太湖小汀濤風帆時隱見
吳門俯可掇
越嶠杳堪辨
摩挲舊題名
班駁半苔蘚
日斜下山椒
窅爾迷近遠
問途值樵夫
失脚悔已晚
懸厓鮀伶傳絕壑
窺洄湫熹微認前村
山寺吠鳴犬
解衣得槃礴
仰視坐猶喘
韓公鐫華嶽
正自恐不免
登高弗知厭
持用戒軒冕

與道卿鳴陽輦同遊法海寺循平嶺涉楊家塢
還飲偃月岡

忽忽春歸不可攀且乘高興看湖山迴旋翠壑丹崖裏
小憇青松白石間為愛韶華連日醉歷觀宦海幾人還
風塵楚蜀干戈地舉酒何緣一破顏

雲間曹憲副時中夢予抱病作詩見及有可惜
中興天下計獨留忠鯁老東吳之句因酬之
五湖三泖夢相通知是平生氣味同抱病不應如獻可

解嘲那復似揚雄自慙杞國憂天計誰辨咸池捧日功
多謝青山不吾負朝朝長對白頭翁

再遊南湖

漾舟出深港舟人問安之我行無定在信彼天風吹東
西與北南遠近齊所宜連朝風雨顛晴明喜今茲鳴笳
發湖口蘭橈蕩輕漪紅鱗潑刺驚鷗鷺相與飛扣舷激
吳歌續彼滄浪詞風雲忽變色前山雨將來勸君趣迴
棹無為速淹嵒

送陳指揮蕃遷淞江都司

朝廷又起故將軍淞水吳山間外分禹穴千年通御氣
狼山比日熄妖氛驃姚方略今誰敵詩書舊有聞
楚蜀干戈猶未定早看幕府策奇勲

湖心亭

莫釐下瞰湖波水周垣忽向湖心起茫然萬頃銀濤中
幻出樓臺信奇偉坐疑閬苑與蓬萊飛墮君家亭子裏
長堤花柳青復紅曲闌直檻東西通龜跳魚泳鷗鷺集

相忘如在江湖中石梁倒影卧水底無乃下占馮夷宮
桑田滄海須臾變高下帆檣牆外見鷗夷一去那復來
五湖風月誰家擅我今無事身自由良辰佳節長來遊
觀魚為謝臧僖伯看竹時同王子猷長風蕭蕭起天末
浪捲平湖半湖雪歸來還約中秋時把酒青天看明月
戶部正郎無錫錢世恩乞歸養母作樓曰愛日

予為賦詩

日今日兮咸池自出稽首向日今其出遲遲願羲與和

兮無駛其馳日兮日兮虞淵自沒稽首向日兮其沒舒
舒願義與和兮無疾其驅日之遲遲兮為我親以常好
日之舒舒兮願吾親以難老

贈錢元抑

詩裏休誇五字城一生文字學西京馬蹄蹠蹠東風裏
蹋遍燕南幾十程

過鄧尉山題天真上人新開禪院

手斲嵌巖鄧尉瀆五湖風月自平分鐘聲夜扣林間雨

蜃氣朝橫嶺上雲慧眼又傳新法嗣幔幢曾折古魔君
我來亦是尋常事信息誰教野鹿聞

有約登天平絕頂者行至龍門力憊而止

峭峰突起萬巔岼聞有仙局惜未觀勝事有懷行獨往
懸厓無路坐長歎龍門已覺吳天隘劍閣誰云蜀道難
安得我身生兩翼凌風直上謝蹒跚

天平范氏墳

衰年不減登臨興福地靈山搜欲罄城西諸峰吾所嘉

就中尤愛天平勝亭亭一蓋倚蒼冥儼若端人人自敬
獅山奔伏象山迴支硎秦臺皆退聽橫山當面橫作屏
背擁蓮華互相映林林萬石相拄撐倚挿半天歌不定
蹲如虎豹奮攫噬鸞如鵬鯨恣豪橫勇如武士力鼎鼐
秀如女子色娟靚我來敬拜太師墳松栢陰森趨一徑
忽瞻萬笏森向天直氣噴薄凜猶勁乃思范公立朝時
正色危言拄邪佞茲山固合生茲人崧嶽降賢尼孕聖
吳山第一稱天平宋家第一稱文正高風千古允作合

仰止巖巖續前詠

遊治平寺登吳王郊臺

朝發石湖濱暮抵太湖岸青山亦多情供我船中玩
船行山亦行一路青不斷白雲渺渺山重重不知何處昔
是吳王宮越來溪邊越城在夫差受困云在茲山中今
朝扣禪關訪古尋幽踪僧言事往那能識鐘鼓聲中度
朝夕郊臺漠漠麋鹿游茶磨團團蔓荊棘不須弔古傷
懷抱且欲憑高縱吾眺人家歷歷新郭里川瀆沄沄胥

口道吳江塔影崑山城一覽因之發長嘯天風萬里天
際來吳王郊祀昔日登斯臺千乘萬騎湖上下祇今安
在唯見山崔嵬船來船去湖西畔青山無言人自換來
來去去世無窮莫學牛山獨興歎

金澤僧辨如海年八十九矣手製蓴菜併詩見
貽因和之

玉盤急足送蓴絲風味鮮辛慰所思金澤老禪三昧手
當時張翰未曾知

送蕭尹九成

吳楓葉落洞庭波之子還朝整珮珂
千古湖山添保障三年邑里減征科
游從摠為斯文在瞻戀其如父老何
白首林間睇霄漢青春事業莫蹉跎

次韻徵明失解兼柬九達

野渡空橫盡日舟蒹葭生滿白蘋洲
毛嬙自倚能傾國稊稗寧知賸有秋
學就屠龍誰與試技同操瑟不相謀
人間得失無窮事笑折黃花插滿頭

碧螺峰

儼雙峰兮亭亭忽霧繞兮雲橫岡巒紛兮離合澗壑黯
兮崢嶸望夫人兮不遠路杳杳兮難征

甲戌春偶成

正好春光二月天梅花如雪柳如烟那堪日日風和雨
辜負穠華又一年

二月十二日雪

正德九載春開歲始十日青天忽聞雷遠近驚辟易雷

聲甫云收大雪忽盈尺連陰二月中節候過驚蟄春分
晴復雨雨後雪仍積柳條壓將摧梅萼凍全圻園林諸
草樹勾萌吐仍鬱頗聞春秋書又覽月令說從來天人
際茫昧固難詰寄語傳巖翁誰歟秉調變

苦雨和施鳴陽

十日愁霖一日晴晴時旋聽屋檐鳴摧頽楊柳春無奈
狼藉梅花夢自驚觸石玄雲隨處起中天紅日幾時明
唯君不為衝泥怯一慰閒居索莫情

與宜興邵天錫小飲象鼻嶺

漠漠輕陰雨復晴
晴時還不廢郊行
困依石几嵐侵座
醉吸湖波灑入觥
小圃荒畦春事動
落霞孤鷺暮山橫
何如卷畫溪邊路
共坐蘭舟蕩月明

至太倉欲觀海不遂

我欲乘桴從魯叟
一觀出日恨無由
扶桑只在船牕外
悵望婁江日夜流

舟中望崑山

雲外孤峰影墮江船頭風浪共低昂廿年舊事空回首
山自閒時人自忙

還至維亭

早潮時去晚潮回陸市巴城邈迤來咫尺維亭看又過
人生行止信悠哉

同年湯侍御用之自壽春來訪予于吳中流連
久之時同在者惟仲山世熙兩中丞因邀
為石湖之游日云莫矣直至上方而還因賦

詩為別二首

遲日溪山好放舟
同人同作石湖游
曲江雲侶嗟誰在
宦海風帆喜並收
駕命淮南真繼呂
堂開潁上獨慚修
莫言筋力非强健
昏黑還須到上頭

勾曲歸來訪故鄉
姑蘇臺上看斜陽
影同月下三人飲
目斷雲中一鳥翔
往事悠悠餘雪髻
交情款款只霞觴
歲寒尚有籬邊菊
欲伴韓公晚節香

六月十九日避暑偃月岡

酷暑人間無處避
短輿侵曉過東岡
方塘曲磴清泉激
翠竹蒼松白日涼
苔色便教鋪枕席
藤枝聊可挂冠裳
渴心兩月今朝寫
玉斗無煩勸蔗漿

東山圖寄同年謝少傅

謝公昔隱東山阿
其如海內蒼生何
謝公今隱東山上
海內其若蒼生望
東山何在雲悠悠
乃在會稽東海之
東頭
朝攀扶桑枝
夕飲嚴灘流
謝公昔日登臨處
今日公來還
釣游林間
世事閱來久
自信忠貞能
不朽
屢噓

樓閣修當空世上浮名亦何有嗟予壯歲每從公公之
心事吾能通嘉謨動得明主顧勁氣直犯奸邪鋒奸邪
作奸今亦已中外望公猶未起老松眠壑無萬牛大材
為用真難耳平生不識五侯鯖屈鐵為鉤非所能讒煙
謗燄久自熄不煩桓伊仍撫箏

九月二日登高

重陽未到便登高萬里天風觸錦袍山色湖光兼雨暝
詩懷酒思入秋豪丹砂漫貯千年藥白雪先嘗九月糕

北鴈聯翩音信杳懷人無語首頻搔

與謝憲副德溫游陽山箭缺至半山寺而止

箭缺攬天知幾重半山聊復憇吾慵孤臣何處埋幽憤

夫差殺公孫勝於此

高閣閒來坐晏春深院潺湲鳴剖竹懸崖砢

砢偃長松迴船又過楓橋去卧聽寒山寺裏鐘

奉次楊靳二閣老見壽之韻

只今廊廟有居州野渡宜橫一葉舟月上東山成獨飲
花明西苑共誰游杜陵卧病傷今雨宋玉懷人感暮秋

多謝新詩寄林下壽筵無地獻觥籌

陳以鈞得子二首

半舫齋前種玉時森森纔見出牆枝
如今又見孫枝透鳳尾脩脩轉更奇

年踰耳順髮鬢髣其奈諸孫未見何
獨愛君家有英物嶢嶢頂玉幾摩挲

將游毛公壇宿包山寺明日雨不克往

毛公已去有仙壇眼見亭臺欲到難
翠壑蒼厓增惆恍

玉芝瑤草長闌干洞無金鑰誰能闢井有靈砂尚可食
傳語仙翁莫終棄當時雞犬從劉安

次師陳西干草堂韻

晏子家居不厭囂年來市賈識偏饒窓禽曉下窺書案
門柳時來繫釣橈剩水尚紆吳子國小山寧受越人招
紅闌綠浪姑蘇境寶帶西來第幾橋

乙亥新正十日過陳湖二絕

漠漠湖光隱磧沙陳湖東畔是君家春來十日無人見

一樹寒梅已著花

年來身世摠悠悠
漫作陳湖兩日游
東望煙波雲萬里
逝將吾道付滄洲

二月真適園梅花盛開四首

萬株香雪立東風
背倚斜陽暈酒紅
把酒花間花莫笑
風光還屬白頭翁

花間小坐夕陽遲
香雪千枝與萬枝
自入春來無好句
杖藜到此忽成詩

香雪千山煖不消我行處處踏瓊瑤絕勝破帽騎驢客
風雪尋詩過灞橋

春來何處能奇絕金谷梁園俱漫說誰信吾家五畝園
解貯千株萬株雪

三月六日庭前柏樹有露如脂其味如飴或曰
甘露或曰非也作詩紀之

一樹瓏璁凍欲流碎攢紅玉上枝頭香分醺醖春誰釀
光映珊瑚夜未收端謝仙人雲外掌思霑暘者道傍喉

不知造化真何意獨凭闌干翫未休

和九遠見招山行

閒居無送亦無迎唯是看山尚有情那更亞夫懷怏怏
却憐定遠策平平登高眺遠眸方豁度塹穿林脚尚輕
消夏灣前兩明月我船終日畫中行

消夏灣

四山環列抱中虛一碧玻瓈十頃餘不獨清涼可消夏
秋來翫月定何如

畫船棹破水晶盤
面面芙蓉正好看
信是人間無暑地
我來消夏又消閒

明月灣石板

巨石陂陀板樣平
三山當面看雲生
何當子夜重來此
濯足滄浪對月明

石公山石洞

石公之景殊不惡
巨石懸空歇不落
爭知不是補陀山
中有仙人儼纓絡

石公山試劍石

懸崖峭壁立千尺有洞虛明忽中圻吳王寶劍烏能然
恐是巨靈神斧劈

石公山

石公幽處無來跡亦有人家散阡陌我船欲開還不開
愛此孱顏蒼雪色

林屋洞口古井

聞有紫隱泉

真誥云包山有白芝又有隱泉之水正紫色華陽雷平山有田公泉飲之除腹中之

蟲與隱泉水同味云是玉砂之流
津也用以浣衣不用灰此為異矣
悶在靈仙境金庭不
可扣且此汲寒井

洞口有深井雲漿湛虛空我來携一甕會與仙源通

徐氏辟荔園

花木年深錦作圍日高澱紫滴成霏鴈聲晚過橫山遠
帆影春歸渡渚稀木末芙蓉風盡落墻頭辟荔雨多違
却嫌舊日園林主鳳沼承恩久未歸

五月十三日過東岡看新竹時楊梅正熟紅綠

掩映甚可觀也詩因及之

新竹娟娟舊竹斑東西儼立萬琅玕
彊鞭迸占青松地清陰濃漆白石壇
羽扇動搖香粉墮楊梅點綴絳星攢
我來避暑年年事錦箨無煩為製冠

慰秉之

功名不用嘆差池利鈍人生固有之
襄野迷途迴未遠邯鄲榮夢覺多時
尚平易足君應爾遂瑗知非我所師
芥蒂胸中都掃盡兄酬弟勸復何疑

酬鳴陽苦熱韻

皇天分四時夏也獨可畏北陸迎炎曦當午勢逾熾衰
年苦侵凌袒跣時露臂絺幘可屋張竹牀聊假寐溽暑
亦多情不飲乃似醉黃昏稍露坐喑暗蚊莫避緬懷東
岡翁本自疆人意翛然松竹林清涼異人世錦繡許裁
冠惠我有新制廣厦幾時成忼懔賴餘庇

喜玄敬少卿致仕

似我歸來亦未遲夫君得謝又先之清朝况是懸高位

白社多緣赴夙期到處谿山同載酒故園風物儘裁詩
一場好夢今朝覺却任傍人道是癡

震澤集卷六